

鑑尚嚴戶鶴嶽戍將鶴式部伯父也鑑尚已死公

與天叟公謀伐杉麻生九州軍記九州治亂記畧同

秋月種實勢益張將圖嚴屋立花以肥人綾部駿河等

為先鋒將四千餘人軍柴田磧後筑豪族問註所治

部喪其邑寓秋月亦以兵從種實自以千餘人軍柴

田公與天叟公聞之合兵軍針摺與敵夾河交射

既而進戰河中眾寡不敵二公欲退入嚴屋邑城秋

月兵追之過二日市至白川治部謂種實曰日且暮

我不諳地形深入戰敵城下是危道也不如退舍詰

且復進種實不聽天叟公使由布惟信小野鎮幸綿

貫左三兵衛成富左衛門等將二千餘人自間道算

山出秋月軍後大呼擊之秋月兵騷擾成富綿貫乘

銳崩之種實隊長長谷山熊江等力戰士卒死傷且

盡將收入柴田天叟公豫建旗幟數千於二日市針

摺間種實望見以為豐師至由杉塚長岡終夜走還

彌永嚴屋兵獲首功三百餘九州軍記○藤光按是戰舊係六年秋然豐府

無彙種實何得遽舉事六年十一月有耳

龍造寺隆信入修行越前太田兵衛將兵六千侵前筑

驚嶽城主。鶴安樂。城主小田部數與戰。筑紫廣門軍巖戶。以助肥人。天叟公親將救之。肥師乃還。天叟公與廣門相拒。自十月下旬至十一月。廣門與秋月種實謀。綴天叟公。令不得退。十七日。種實率兵四千。軍太宰府。欲攻巖屋。巖屋留守屋山種速告急。天叟公班師。廣門將五千餘人躡之。成富左衛門曰。君疾驅入巖屋。臣請止戰。戰而不勝。繼之以死。臣不死。必不使敵得過。即反之。土岐大隅菟尾麟可等五十餘人助之力戰。却廣門軍數十步。天叟公因得入巖

屋。種實兵方至御廟嶽下。天叟公縱兵擊之。高橋越前。福田民部等勒兵三千爲一隊。皆下馬進戰。種速亦將五百人。開門擊之。秋月兵死者三百餘人。退入夜須。公方軍野田。聞敵襲巖屋。馳救之。屬廣門兵圍成富等與戰。公從谷尾村西。繞出其後。大譟。廣門兵驚走。邪過中田上原。入基肄。九州治亂記。○葆光按。立花記以此戰爲天正八年十一月八日。未詳孰是。秋月種實有前筑數郡。據古所爲固。以高山峻絕。常居杉本邑。成。福武美。成下淵。內田善兵衛。成彌永。

板竝左人阿彌附喜津瀨因幡戌左右良木村
 甲斐戌池田熊江越中芥田惡六兵衛戌益富山江
 利內藏助戌笠木烏嶽長尾馬見大山葛山諸城皆
 置守以為杉宗像援十二月杉麻生許斐江利等侵
 糟谷公親將與戰二三日綴秋月兵使不得退
 二十九日間遣戶次鎮榮薦野增時率千餘人襲許
 斐城中驚擾鎮榮等揮兵直登放火焚城中家室皆
 盡擒氏備妻孥留兵守之許斐麻生等聞立花兵襲
 許斐還救之山路險遠久之始至立花兵已奪城據

之氏備走德重氏備宗像族也氏貞怒曰敵奪其
 邑當橫屍城門遁逃苟免何以爲士流氏備及其
 士百餘人於大嶋公修許斐置戌九州軍記○
 本書又言八
 年氏備在大嶋謀欲復許斐使其臣脇野與九郎爲
 爲小卒往許斐仕門尹家執事甚謹門尹朝夕開閉
 親臨視已而天寒益急以鎖七屬與九郎開閉已終
 收之與九郎因刻木象鎖七送與氏備命工作之氏
 備使人陽爲行者往見與九郎以所作鎖七與之約
 以歲除夜襲之至期氏備將百餘人發大嶋夜雨雪
 甚進至城下斫樹石間城中歲除儀畢皆寢與九郎
 即開門納其兵縱火焚廬舍氏備兵素諳城中曲折
 大呼奮擊城兵多死餘踰城走誤觸塹或墜崖
 死少有脫者氏備前年除日失城至此復取之

八年早良氏作亂呆倉同村以屬佐嘉二月二日公

命十時連以勦之賊戰連貞及其兵多傷遂克之。
係其老弱盡收資財輸寶滿巖屋以助軍須。豐前覺書下同。
二月三日公親相一貫古野山夷地築砦謂光安筑後
曰那珂郡荒蕪無人鶴鴨所集宜使善銃者往
獵命小串外記往獲鵠鴨各一還公悅命爲羹張帷
布氈戶次六郎捧刀陪公左座主方清小田部新介
爲左右班首群臣皆坐竝不以位序公召小田部紹
久割鵠羹成賜酒酒二行役徒方治牙城地得六十
六部行者所藏經函於帝釋石像跏下以獻公大喜。

以爲吉兆令大橋京林相地理之謂座主戌賀良山
楯尾弓場尾極爲勞費以家丁衆多更請戌所築砦
酒又一行卽罷余亦侍賜羹。

二月豐侯將遣諸將略前筑自次日田以爲節度未發
鞍掛城主田原親貫叛於是欲先討親貫會公
贈書諸大夫趣之豐侯卽發日田玖珠大分大野直
入五郡兵攻鞍掛克之斬親貫餘黨悉平。大友興廢記

二月十六日公贈書志賀道輝戶次宗仙白杵鎮
順志賀隆戶次眞連志賀道益一萬田

宗慶朽。宗歷田北紹鐵志賀道運曰。新歲納慶。去歲生葉之役。遷延引退。西事益亟。僕與紹運謀。僅能支持。西討之師。非可得已。去歲公屢賜書言。改歲出師於日田。嚴駕之發。日日跂望。屬田原親貫叛。前七日。聞北伐之命。不知今作何狀。眷眷之懷。不能已已。故特遣急脚奉問。方今國家安危之機。設令親貫猖獗。諸君必能效節致死。將蓄縮苟免。墜名辱宗。皆於是乎在。老夫犬馬之齒。溘焉非遠。披瀝肝膽。無有隱諱。為罪實多。

自吉岡白杵二子之歿。

白杵鑑速卒在天正三年。吉岡宗歡未詳。稅政

日聞。天命不佑。師旅屢挫。醜聲流播。五尺之童。莫不嗤笑。頃秋月。疏豐府過惡三十餘條。暴示遠近。意諸君亦微聞之。首舉豐府宗戚大臣。皆奉異教。毀寺觀祠廟。神主佛像。舉昇水火。近聞寺觀祠廟之田。悉奪給與臣僚。豈頗有此事否。源平以來。每祈禱神佛。由正道以行征討。亦著在甲令。今反毀其像。以充薪蒸。僕愚昧。事之是非。雖未明知。竊聞日本神道建邦。豈容不尊奉。循天道。無有侮瀆。公春秋方富。能勤政

憫下。其誰以慶幸。諸君輔導。每事由正。無令陷於非義。人雖賢聖。不能無過。萬一公有過舉。相與諫爭。至於犯顏。而後盡乎臣節。若噤默不言。專爲身謀。國事日非。非復輔弼之義。從今而往。諸君其協心竭力。務裨益國家。無有顧慮。

知討親貫。近當出師。所冀竭力行陣。以圖報塞。道路皆言。田原紹忍不謹。自親貫父宗龜在時。遇之不以道。致其家人忿恨。公室慰解。僕以爲已釋怨聽命。不意親貫乃懷逆謀。浦部所在。舉火爲號。築堡據之。惡

逆宣露。無復可宥。自非誅戮。豈有他事。彼不思累世勲戚。不顧宗族垢辱。首爲背叛。聞於四方。惡乎諸侯。國家之禍。孰大於此者。區區不勝憤懣之至。縱公有寬宥。辱列宗籍者。固宜請戮之。況已有征討之命。尤當僇力翦滅。若其遷延。彼將征繕峙糧。必至誓誅戮。或誘海賊。侵盜沿海。今及其未集。以大兵臨之。浦部士庶。唯知親貫與紹忍有隙。而未知其爲公室不利。姑且從之者。必反應我。四方傳聞。畏我武震。莫不懾服。不然。人玩侮。相因而起。願熟慮有以處之。諸

君躬親拮据。固不待論。安危之機實決於此。前四五日。聞秋_下月與佐嘉謀同援親貫。二三奸黨亦率兵會秋_下月。然遠涉河山。以援浦部。勢必不能。未知何所出。或劫略境上。以爲牽制。使日田玖珠師不得發。親貫與秋_下月龍造寺合謀。爲日已久。親貫臣津崎善兵衛。臘月以來。屢使秋_下月。秋_下月亦使人報之。僕初謂彼以姻戚之故。爲秋_下月請宥。今始悟同惡相濟。公卽位。始有征討。冀早致蕩平。名實皆得。是固諸君之責也。僕之言此。非以爲私圖也。老夫七十。豈敢自惜。且已任

專城。固須畢命行陣。顧念國事。不堪憂憤也。

聞公以臘月遷靈山下秋岡。豈爲西討啓行方位所宜乎。大營所駐。須費詳議。啓行之儀。亦先驅慮無司旗司鎧。以至警衛之士。不可不遵舊典。以舉其職。秋岡固爲啓行吉方。以爲行營。卑陋已甚。庖厨逼迫。無復等威。宜務爲警備壯似公宮。始可。且出師浦部。大駕亦須次立石竈門之間。以爲節度。此一舉利害不小。優游遙制。不免墮敵術中也。

道輝君。往_下同討原甲親種。如有憾乎僕者。苟能披

腹心相告。亦當有解說。而初無一言。八朔之慶。不
饋遺。致僕無面目以見人。爾後絕不相聞。往辱道益
君殷懃開喻。然既蒙擯斥。未敢從其言。方今國家多難。
解憾通問。謹好如初。冀微有報効。以貽訓子孫。豐筑
修阻。僕亦衰老。至相見。定在黃泉。若以戡定之日多
有籍沒田宅。因緣規求。為解宿憾。武神在上。斷斷無
之。設令僕據立花。以致恢復。眾人見知。縱不自言。必
得褒賞。寧待足下乎。七十之年。臨難苟免。子孫廢黜。
無位於朝。亦復何言。每事唯欲不貽國家之累。諸君

或有少小猜嫌。宜務降意同心。以為國家柱石。近歲
諸州豪帥。其家喪亡。或奉僚輩為君。無復廉恥。或流
離乞食四方者。不知幾何。大內氏之事。尤可以為鑒。
陶晴賢與相良武任爭權。不相能。晴賢所言。事皆中
宜。而防侯不察。獨信任武任。迄晴賢行大逆。國終為
毛利氏有。此眾所聞見。雖復水火之中。不得植黨營
私。專為國家計。此僕所深望也。

浦部之事。嘆憤之餘。使箱崎實相院景林以周易筮
之。景林言。速出師吉。今以其占往。因天道誅不義。無

復有疑難也。

頃聞近侍小臣古莊右京兄弟朽網市之丞雄城甲。得罪斥逐。或言諸君言公逐之。不知何故。在今時。公有不察。縱忤旨。不可不諫正。況是等小臣有過失。不足爲輕重。宜爲之申理。使復其所。但禁朝見。使思其過耳。若果由諸君言斥逐。益不可曉。彼固小臣。務爲寬宥。分外感刻。諸君或失于檢校。小人輩纔得任用。卽自輒張。如四人降在牧圍。亦爲名族。奕世奉仕。意懷報効。若有罪負。宜加嚴責。而後隨材任使。近習私暱。時

有黜陟。亦不爲不可。至世族無問疏戚。人人待之如一。其可矣。若公方寵任。而諸君擅黜之。是無上下之分也。然至大罪難宥。不可不罰。老僕在遠。風聞欠詳。固不待言也。

告鎮連。往歲長尾之役。予方親力戰。汝乃在陣後。僅傷流丸見血耳。如當今之事。誠國家安危之所係。汝尚奮勵中短兵。揚名三軍。仍有怯懦。予必自殺爲厲鬼。滅汝子孫。令無遺育。群神鑒臨。汝必能捐軀命。有以報國。

方今道路梗塞。長筭言事。諸君或以爲少顧慮。然
知此使通行無阻。是以一一布陳。幸賜還答。僕日望
之。菴光按。公書野史所載多謬誤。今據
本藩立花直躬家所藏手澤改之。

四月。小田部源次郎來奔。館諸原上村。聚其屬居之。前

書

小田部紹叱。前年與佐嘉將熊代戰敗死。有二子。長鎮
通。次統房。統房與父同死。熊代已獲紹叱父子。以爲
安樂平且降。不復進攻。鎮通因得保聚堅守。原田了
榮子信種據高祖。略早良以西。勢稍盛。信種少。龍造

寺隆信爲冠之。素與親善。乞師佐嘉。約克安樂平。割
早良郡半與隆信。因合兵屢攻安樂平。筑紫廣門亦
攻鷲嶽。二城介敵國間。糧盡救兵不至。是隆信遣江上
家種并前筑原田信隆等兵五千餘人從內野攻安
樂平。城中卒少且飢不能戰。原田土石井備前等十
餘人皆下馬步鬪。直傳城。鎮通自殺。森三郎兵衛奉
鎮通第二子源次郎及其母走立花。信隆等留守安
樂平。以統郡事。廣門亦與佐嘉將高木石田等四千
五百人攻鷲嶽。東坂峻絕。推盾鹵進。烏銃亂擊。日夜